

俱猛反下灑所立憇許記

化於衆生晝夜三時常修三分滅過惡業未來不造是爲四而說頌曰

所造以智不以慢
慧者不信於諸有
發心爲利諸衆生
晝日三時夜亦爾
三分悔過滅先惡
不造衆惡集諸惡
慧者如是集善業

大方廣如來秘密藏經卷下

墨十

失譯師名附二秦錄

善男子菩薩有四障法應當覺知何等四毀謗正法秘惜法懷增上慢修無色定是爲

四而說頌曰

菩提心有四 說示名障礙 菩薩應覺知

應數數遠離

乙 謠於正法

多聞懷惜

增上慢貢高

不善起禪定

是故護正法

聞已廣流布

捨慢無貢高

遠離不禪定

以智不以嬌慢

所有善根迴向菩提不趣下乘

一切諸趣不生染著若生染著一向專爲

善男子菩薩有四法極好何等四不自稱譽
不輕於他遠離諸惡捨除諸慢是爲四而說
頌曰

不自稱譽不輕他
所造諸惡悔不作
不生嬌慢及慢慢
其心端直修善行

善男子菩薩有二法端直速疾何等二若有
所問如實而答先所見事無所覆藏是爲二
而說頌曰

如問而演說 不藏先所見 寧捨於身命
終不說妄語 正直於是法 是爲賢善根
彼得於質直 疾覺勝菩提

善男子菩薩有二法無有詭僞何等二雖多

獲利不欲歎德不得利養不自稱譽是爲二而說頌曰

雖多獲利養 不歎示己德 大智所不欲
是不諂者得 設不得利養 此是我本業
不欲他有過 勿令彼業熟

善男子菩薩有二法不望他報何等二我應

當利一切衆生非諸衆生而利於我我當覺

知而爲菩提是爲二而說頌曰

我應利衆生 我荷擔彼等 我求無爲道
不觀望他報 我不求有爲 我求無爲道

我攝護世間 不望報得道

善男子菩薩有二法作於不作何等二不知

畢

恩者而常供給於知恩者作於重任是爲二而說頌曰

不知恩衆生 於彼不望報 諸陰界入等

皆爲作菩提

善男子菩薩有二法是所應處何等二常值

諸佛亦常值遇菩薩乘者是爲二而說頌曰

二種所應處 是處增名稱 得值諸如來
菩薩所識知

善男子菩薩有二所不應修何等二不與願
行聲聞乘者而共同止不驚畏諸有獨處宴
默是爲二而說頌曰

不與修行者 而共同上住 不驚畏諸趣

依止宴寂處

善男子是名初入如來密藏根本句也菩薩
若入是初根本句是菩薩能成就如來秘密
藏法出尊說入如來密藏初句法時六萬衆
生及天與人發於無上正真道心十千菩薩
得無生法忍五百比丘不受諸法求盡諸漏

二心得解脫時此三千大千世界六種震動大

光普照人天妙樂不鼓自鳴人天阿脩羅等
同聲三唱作如是言其有衆生得聞於是如
來密藏法快得善利若有書寫受持讀誦如
說修行是等衆生皆當不失如是如來秘密
藏法爾時無量志莊嚴王菩薩聞是如來密

藏法已即作是念我今當以何等供具供養
如來應供正遍覺復作是念外物易捨內事
難捨我今當以自身奉供如來世尊即昇虛
空而說偈言

我今奉編覺 以自身供養 以此無上捨
願令如導師 財供二足尊 此事不為難

云何為希有 所謂身供養 我今供無等
自身奉遍眼 為世人天供 如大智師子
爾時無量志莊嚴王菩薩即便放身投如來
上當于爾時以佛神力未曾有華異華異色
甚為鮮淨極妙端嚴散如來上是菩薩身又
不墮地亦不現空此諸華等至佛身上即復
還涌住虛空中成大華蓋覆四天下是華蓋

中垂懸華貫出大光明是光明中現妙蓮華
是蓮華上有菩薩坐如無量志莊嚴王是菩
薩等從華臺起頂禮佛足同聲請言唯願世
尊說如來秘密藏法無令斷絕及護如來密
藏眷屬

爾時大德摩訶迦葉生希有心歎未曾有白
言世尊是無量志莊嚴王菩薩以身莊嚴供
養如來以身供養於如來已現是菩薩諸莊
嚴事世尊願令一切諸衆生等得於如是莊
嚴之身願使如來常壽住世世尊我等今者
快得大利乃得見是善大丈夫聞其說法

爾時佛告摩訶迦葉汝今見是無量志莊嚴
王菩薩不已見世尊迦葉是善男子於恒河
沙等佛所恒得諮詢如是如來秘密藏法賢
劫諸佛所亦當請問如是如來秘密藏法
爾時大德摩訶迦葉復白佛言善哉世尊惟
願敷演說是如來秘密藏法如此菩薩所啓

請者

爾時世尊告大迦葉汝今善聽如來密藏少
許法分何以故若於一劫演說此法不可窮
盡迦葉白言如是世尊爾時迦葉及諸大眾
受教而聽佛言迦葉於意云何汝謂我行菩
薩道時所捨手足頭目耳鼻皮肉骨髓血及

妻子略說乃至一切財物處處逼惱於菩薩者是諸衆生不墮地獄畜生餓鬼及諸惡趣何以故本菩薩時志意淨故及大誓願淨戒聚故於諸衆生大悲純至及堅忍故以大慈故大功德法故牢強精進定向大乘故自心淨故大願豐饒故不喜自樂故其有衆生觸

燒菩薩毀罵之者菩薩德故不墮惡道迦葉我今引喻以明斯義迦葉猶如病人良醫授藥而是病人毀罵是藥及與良醫先毀罵已後乃眼藥迦葉汝意云何藥以罵故不爲藥耶病不除耶不也世尊雖復毀罵不失藥勢而能除病如是迦葉菩薩如彼藥及良醫雖不恭敬種種觸惱然是菩薩純淨志意無有缺減迦葉如大寶珠衆德所成其性純淨除諸瑕穢若有人天毀罵是寶而不恭敬迦葉於意云何是大寶珠畏毀罵故失寶力耶不也世尊佛言迦葉是淨寶珠猶彼菩薩志意清淨一切衆生雖不恭敬所有功德無有折

滅迦葉如大油燈假令人天而毀罵之以毀罵故便閻冥耶不也世尊佛言迦葉善薩志意純淨如是雖復觸惱不失其性迦葉以是事故當知衆生雖有觸燒於菩薩者不墮惡道何以故由是菩薩本願淨故所願皆成爾時大德摩訶迦葉白言世尊如我解佛所

墨十

五

說義趣若於如來起不善業是衆生等亦復不墮墮於惡道佛言如是迦葉若有衆生於大悲如來生信敬心解入進趣若佛現在若滅度後若有奉施如來及塔若幢旛蓋華曼塗香及與末香若寶若衣及諸飲食隨於種種所有諸物若取若食若自取若教取迦葉我說是人無有所犯迦葉貧爲最苦不恭敬故作劫奪故無畏懼故不信敬故不解業故不慮報故以貪求故難調伏故貪瞋癡故無慚愧故兇橫惡故不思如來有大慈悲不信如來多利衆生取如來塔物乃至一綻若自取若使人取我說是人不名少犯我不說彼

不墮惡道迦葉若有衆生於如來物及佛塔
物若自取若教人取如來今者悉知是人悉
見是人當墮惡趣又以此緣當得斷結何以
故是人心行爲佛護故迦葉若於如來若如
來塔生心緣念乃至起於少許悔心迦葉是
衆生心自當改悔以緣如來生悔心故肯棄

生死一劫之罪結使微緩迦葉假有人天墜
墮于地墮大地已還依大地而得起住如是
迦葉是衆生等於如來所生不善故墮在惡
道墮惡道已還緣如來速得出離云何名爲
緣於如來於如來所生懼重心
爾時大德迦葉白言世尊是人以是惡賊之
心若能生心緣念如來尚得大利況淨心者
佛言迦葉如汝所言若有衆生起念如來思
憶如來觀緣如來是等一切悉皆當得涅槃
果證大德迦葉白言世尊如我解知佛所說
義寧於如來起不善業非於外道邪見者所
施作供養何以故若如來所起不善業當有

悔心究竟必得至於涅槃隨外道見當墮地
獄餓鬼畜生

佛言迦葉如汝所言迦葉設有人天罵赤栴
檀以手椎打速擦棄地迦葉於意云何如是
人者有何等香迦葉白言而是人者有栴檀
香如是迦葉若有衆生眼見耳聞及口宣說

墨十

六

於如來者當知是人有解脫香迦葉有人執
於抱糞汙已以諸妓樂一切衆華而供養之
如是人者有何等香迦葉白言世尊是人唯
有糞穢臭惡如是迦葉其有親近恭敬供養
諸外道者當知是人亦復如是有諸見畏地
獄畜生餓鬼等畏迦葉若善男子善女人信
於如來有大慈悲殷重敬信除慢不憍無有
貪瞋及與愚癡意志決定解知業報質直無
詭無有幻僞於如來所得淨信心諸根無貪
無有詭曲志意不壞淨信成就信佛大悲多
利衆生信佛本行信於如來不捨一切諸衆
生等有如是心有如是意設乏於食病藥所

須未得道果未入正位若得所須能得道果入於正位若其不得飢渴羸劣不能修善不得道果是人若取如來佛物衣服食飲病藥所須自服食之迦葉我不說是有惡道果迦葉是名如來秘密藏法應當密持善好守護不應在彼見著者前開示演說勿令是人重

增所見迦葉云何爲解謂解如來說一切法云何爲縛迦葉所言縛者所謂貪著云何爲解謂不貪著不分別二迦葉我今不說是無著者名之爲犯何以故迦葉羸劣煩惱從虛妄生迦葉若其不實不以生故名之爲實迦葉我今引喻爲示不實妄想事故迦葉猶如

墨十

七

人天持芥子火吹令增長漸燒諸物成大火聚如是迦葉愚小凡夫起少不正思惟想念堅著諸見隨所妄想隨是諸處增長結使迦葉若有火聚如須彌山無有所依迦葉於意云何如是火者爲當增長爲當漸滅迦葉白言是火當滅更不增長佛言迦葉不實妄想

諸煩惱等若更不起若更不著更不妄想更不喜樂更不分別此當漸滅而不增長迦葉以是事故應當解知羸劣不實妄想煩惱是不真實迦葉猶如有人至毒家舍竟不服毒自生驚怖受大苦痛發聲大呼我今遇毒我今遇毒有義良醫持不實藥令是病人除不實病得離衆苦迦葉於意云何若是良醫持於實藥與是人者是人活不不也世尊是人實不服食於毒自生毒想須不實藥以療治之佛言如是迦葉諸小凡夫爲於不實煩惱所惱是故如來說不實法爾時迦葉白言世尊如來說法不真實耶佛言迦葉汝所解說爲是真實爲不真實迦葉白言我所解說無有真實何以故世尊所有貪欲以不淨對瞋恚慈對癡因緣對世尊若不淨是實則不能除不實貪欲亦非貪欲生不淨觀若慈是實即不能除不實瞋恚亦非瞋恚生於慈觀若愚癡是實起愚癡已非因緣對亦非因緣能除

愚癡是故世尊一切結使及斷結法二俱不實無物無定無有成就是故不實諸煩惱等習近不實便得除去世尊結使無去何以故若有除去則爲有去若已有去則便有來是故世尊一切結使無去無來是故知諸一切有爲無來無去名離煩惱佛言迦葉此如來

密藏說一切法本性清淨爾時大德摩訶迦

葉白言

世尊是十惡道如佛所說其性無垢

本性淨耶

佛言如是如是迦葉何以故無有自在而犯

於殺無可親信而犯於盜非無主無護而犯

邪淫非爲護他而犯妄語非爲調伏而犯惡

星十

八

口非爲破壞外道邪增而犯兩舌無隨應器

而犯綺語無麁惡教而犯瞋恚無有希望增

上善根名之貪無有將護自在者意少不正

言而犯邪見迦葉是十惡道若不堅著我不

說彼名之有過迦葉是十惡道若不堅著名爲不犯如是迦葉一切煩惱若不堅著我說

無犯迦葉諸不著者名曰離見迦葉白言世尊十惡業道何者最重佛言迦葉是十惡業道殺及邪見名爲最重迦葉隨在在處諸惡不善若不堅住若不堅執若不堅著一切我說名爲不犯迦葉若少不善若其堅住堅執堅著一切我說名之爲犯迦葉五無間罪若不堅住堅執堅著生於見者我不說彼名曰為犯況復餘小不善業道迦葉我不以不善法而得菩提亦不以善法而得菩提迦葉若以不善得於菩提諸小凡夫亦得菩提若以善法得菩提者一切被燒草木叢林應還生長迦葉我今問汝如來云何得於菩提迦葉

白言佛是法本世尊是眼世尊是依如世尊說當共奉行佛言迦葉解知煩惱從因緣生名得菩提迦葉云何爲解知從因緣所生煩惱解知是無自性起法是無生法如是解知名得菩提迦葉但假名字名得菩提而是菩提不以文字言說而得若無文字無言無說

星十

九

無得菩提是第一義迦葉如汝所問十惡業道何者爲重迦葉如人有父得緣覺道子斷父命名殺中重奪三寶物名盜中重若復有人其母出家得羅漢道共爲不淨是姪中重若以不實謗毀如來是妄語中重若兩舌語壞賢聖僧是兩舌中重若罵聖人是惡口中重言說壞亂求法之人是綺語中重若五逆初業是瞋恚中重若欲劫奪持淨戒人物是貪中重邪見中重謂之邊見迦葉此十惡道是爲最重迦葉如來知是十惡業是爲最重迦葉若有一人具是十惡迦葉是惡衆生若解知如來說因緣法是中無有衆生壽命無人無丈夫無我無年少無作業者無受者起者無知者見者無福伽羅無生無滅無行是爲盡法無染無著無善不善本性清淨一切諸法本性常淨解知信入迦葉我不說彼趣向惡道無惡道果何以故迦葉法無積聚法無集無惱迦葉一切諸法生滅不住因緣和

合而得生起起已還滅迦葉若心生滅一切結使亦生已滅若如是解無犯犯處迦葉若犯有住無有是處迦葉如百千歲極大闇室不然燈明是極闇室無門窓牖乃至無有如針鼻孔日月珠火所有光明無能得入迦葉若闇室中然火燈明是闇頗能作如是說我百千歲住今不應去迦葉自言不也世尊當然燈時是闇已去

佛言如是迦葉百千萬劫所造業障信如來語解知緣法修觀察行修於定慧觀無我無命無人無丈夫等我說是人名爲無犯無處無集迦葉以是事故當知羸劣諸煩惱等智慧燈照勢不能住

迦葉是說如來密藏住處無上大師子吼轉淨法輪天人魔梵所不能轉迦葉若有衆生信是如來秘密藏法如是受持如是觀察彼當如是大師子吼是時大德阿難白言世尊是無量志莊嚴王菩薩自以其身供養如來

當以何身覺菩提道時華臺中諸菩薩等問
阿難言於意云何可以身覺於菩提耶阿難
勿作斯觀當以身心覺於菩提阿難報言諸
善丈夫若非身心覺於菩提當用何等而覺
菩提諸菩薩言大德阿難身之實性是菩提
實性菩提實性是心實性心之實性即是一

切法之實性覺是一切諸實性故名覺菩提
時諸華臺所有菩薩頂禮佛足說如是言世
尊我等若至此大地時是無量志莊嚴王菩
薩乃當得成阿耨多羅三藐三菩提是時阿
難白言世尊是諸華臺衆菩薩等幾時當至
於此大地佛告阿難是諸菩薩於下方界分
恒河沙等諸佛如來所諮受請問於是如來
私密藏法聞已解義阿難白言世尊是無量
志莊嚴王菩薩幾時當成阿耨多羅三藐三
菩提佛告阿難是賢劫中千佛已出當出阿
難最後如來号名盧志阿難盧志如來應正
遍覺諸聲聞衆多先諸佛所有聲聞僧阿難

是盧志如來乃當授是無量志莊嚴王菩薩
無上道記云無量志莊嚴王菩薩過九十八
劫當得成佛号莊嚴王亦於是界得無上道
是莊嚴王如來坐此地時是華臺中諸菩薩
等爾乃至地復當聞此如來密藏法阿難爾
時是莊嚴王如來世界名作無量功德莊嚴
阿難一切欲界諸天宮殿等彼莊嚴王佛國
土中一寶臺耳是娑婆界爾時當名妙好色
土阿難莊嚴王如來壽命百劫佛滅度後正
法住世滿足十劫純菩薩僧說是莊嚴王如
來記已佛上華蓋便沒不現無量志莊嚴王
菩薩現佛前住是時阿難白言世尊護持此

士

法令得久住於閻浮提增廣流布令善丈夫
能持如來密藏法者成滿功德手得是法爾
時世尊告阿難言假令四大變易其性終不
令是善丈夫等不聞是法而取命終阿難若
有書寫受持讀誦當知是人即是如來所持
阿難若有人能右手執持恒沙佛界滿中七

寶右手復持恒沙世界滿中七寶若晝三時夜三時持用布施是人不懈經恒沙劫阿難是布施德若有書寫受持讀誦是經典者所得功德復過於是是故阿難汝今受持讀誦是經令諸法器普得聞知是諸人等則為受持如來秘密藏法佛說此經已無量志莊嚴

王菩薩大德阿難大德迦葉一切大眾天人阿脩羅等聞佛所說皆大歡喜

大方廣如來秘密藏經卷下

墨十

瑕穢

上戶反
加反
髮莫反

班綻先見
緩玄伴
椎反
追遠

擦

下郎形反
又力平反